

Bunas ovas che nus carstgauns savessen far

1. Dar da magliar a tals che han fom

- Renunziar sin dultschernem ed enstagl dar ils raps a tals che han da basegns
- Rimnar per ils paupers entras far ils retgs ed ir cun la steila ni auters usits
- Segidar cun fugitivs che ston bandunar lur tiara
- Parter sil plaz da pausa il paunin cun in(a) conscolar(a)
- Magliar e buca fierer naven igl agen paun era sch'el ei pli vegls
- Buca fierer vivonda

2. Far visetas sin santeri

- Visitar las fossas d'enconuschents
- Far zacons buns patratgs sin santeri
- Purtar fluras sin las fossas d'enconuschents
- Seregurdar dils morts
- Far oraziun per persunas ch'ei mortas
- Gidar persunas che han piars in concarstgaun

3. Parter la vestgadira

- Tractar cun quita l'atgna vestgadira
- Schenghegiar vinavon vestgadira ch'ei memia pintga e buca fierer tala
- Risguardar loghens da rimnada pil tierz mund
- Renunziar a resti da marca
- Buca cumprar senza basegns immediatamein tut la vestgadira che vegn offerida
- Regalar vinavon calzars ch'ei daventai memia pigns

4. Esser amicabels viers jasters

- Salidar curtaseivlamein sin via
- Esser segideivels cun jasters che drovan agid
- Buca rir ora fugitivs perquei ch'els ein auters che nus
- Segidar cun nov(a)s conscolar(a)s ed integrar tals
- Mussar la via a persunas ch'ei novas el vitg
- Segidar cun glied veglia






5. Visitar malsauns

- Visitar malsauns ch'ei en spital
- Far visetas ellas casas da vegls
- Visitar il tat e la tatta
- Purtar cun buna luna ils pensums a conscolar(a)s ch'ei malsaun(a)s
- Far enzatgei special cun carstgauns impedi
- Visitar glied veglia egl agen contuorn

6. Visitar glied ch'ei en perschun

- Buca setenziar autras persunas per quei ch'ellas han commess
- Buca giudicar e discuorer nausch dils auters
- Visitar enconuschents ch'ei en perschun
- Perdunar e far pasch
- Dar curascha ad auters
- Far dil bien ed esser in bien exempel

**Far dil bien
porta ventira**



Historia 1 : Dar da magliar a tals che han fom.

El paternies schein nus: Nies paun da mintgadi dai a nus oz. Cun quella expressiun rughein nus Diu, per ch'el miri mintgadi per nies nutriment. Nus rughein per nus e per tut ils carstgauns. Quei tonscha denton aunc buca. Era nus stuein haver quitau per nos concarstgauns. Oravontut per tals ch'ein en misergia ed als quals il paun da mintgadi maunca.

Mo tgei capin nus sut paun? Igl ei il nutriment fundamental che duess muncar a negin. Deplorablamein datti ozilgi aunc biars carstgauns che han pauc da magliar, als quals il paun maunca.

Per quei stuein nus far tut il pusseivel per che tut ils carstgauns sin quei mund survegnien lur paun da mintgadi.

Studegia e rispunda a suandontas damondas!

- 1. Con impurtonta ei la veta da tes concarstgauns veramein per tei?**
- 2. Co vas ti entuorn cun victualias?**
- 3. Maglias ti adina senza reclamar tut quei che vegn sin meisa?**
- 4. Eis ti pil pli cuntents mo cun aua dalla spina?**
- 5. Tgei munta suandonta construcziun:" La fom suenter carezia ei bia pli greva da supportar che la fom suenter paun.**

Historia 2 : Far visetas sin santeri

Igl ei ina gronda dolor sch'ins piarda in carstgaun ch'ins enonuscha bein ni schizun enzatgi dall' atgna famiglia entras la mort. Mo la cardientscha ad ina veta suenter la mort gida da supportar quella tristezza.

Nus tuts savein che nus stuein murir in di. Per tals che han piars in confamigliar ni in bien enonuschent gida ei da visitar quel sin santeri e far zacons buns patratgs ni ina pintga oraziun. Magari gida ei era da metter zacontas bialas fluras sin la fossa sin santeri. Sch'ins sa parter l'atgna dolor cun auters eis ella bia pli leva da supportar. Bun(a)s amitg(a)s ein in scazi ch'ins sto tegner ault.

Studegia e rispunda a suandongas damondas!

- 1. Has ti gia visitau inagada il santeri da tiu vitg / marcau nua che ti vivas?**
- 2. Enconuschas ti enzatgi che ruaussa sin santeri?**
- 3. Co sas ti consolar enzatgi che ha piars in concarstgaun?**
- 4. Tgei fagein nus da Numnasontga?**
- 5. Pertgei rughein nus sche nus schein il paternies e la salidada?**

Historia 3 : Parter la vestgadira

Cu nus essan naschi eran nus nius. Nus eran piars, pigns e vulnerabels. Nies bab e nossa mumma han vestgiu nus, dau a nus da magliar e tgirau nus.

En nossa vischinonza dat ei negins carstgauns senza resti. Pertgei nossas scaffas ein pleinas e las differentas stizuns fan amogna e vendan massa caussas per setrer en.

Mo era ozilgi dat ei en bia tiaras carstgauns ch'ei schi paupers ch'els han bunamein nuot per sevestgir.

Ei dat tier nus uniuns e cuminonzas religiusas che rimnan vestgadira e calzers per dar quei als paupers.

Enconuschenta ei era la historia dil sogn Martin. El fuva adina amicabels e buns cun ses concarstgauns. Duront in ferdaglia unviern entaupa sogn Martin in pauper rugadur che schelava. Senza targlinar taglia sogn Martin permiez siu manti da schuldau e dat ina mesadad al pauper. Tonta buontad fa impressiun.

Studegia e rispunda a suandongas damondas!

- 1. Tgei savesses ti far cun resti ch'ei memia pigns per tei?**
- 2. Tgei fas sche tes calzers han in pign donn?**
- 3. Enstagl dad adina cumprar il pli niev resti savessens ins?**
- 4. Tgei fas sche tia scaffa ei fullanada cun resti?**
- 5. Tgei savesses giavischar da tia tatta sch'ella ha bia temps?**

Historia 4 : Esser amicabels viers jasters

Jasters ein carstgauns che nus enconuschin buca. Forsa ein els carstgauns che han bandunau lur patria per anflar segirtad. Savens ein els entirs gis sin viadi. Il prender si jasters munta oravontut da tractar els cun respect.

Oz vivan biars jasters tier nus. Quei ein carstgauns che han bandunau lur da casa per anflar ina segira patria ed ina nova dimora. Els ein scappai da lur tiara muort uiara, fomaz ni autras situaziuns insupportablas. Biars ein viagai malamein tras desierts e sur la mar ed han riscau lur veta per arrivar tier nus. Retscheiver jasters munta ch'ins ha in cor aviert per els e ch'ins gida els tenor saver e puder.

Studegia e rispunda a suandontas damondas!

- 1. Enconuschas ti jasters che vivan tier nus?**
- 2. Has ti gia discurriu cun jasters en tia vischinonza?**
- 3. Nua vivan quels?**
- 4. Tgei savein nus far sche nus entupein jasters sin via?**
- 5. Eis ti amicabels viers jasters?**

Historia 5 : Visitar malsauns

Sche nus essan malsauns fagein nus savens l'esperienza che nus essan solitaris. Biaras gadas viseta negin nus. Mintgaton essan nus era vilai che gest nus essan malsauns. Pertgei gest jeu ? Tgei vai jeu fatg dil mal ? Ina malsogna sa tucrar tuts. Nus sez savein esser malsauns ni enzatgi da nossa famiglia ni da nos enconuschents. Forsa sto zatgi schizun ir en spital ni en ina casa da tgira.

Igl ei bi sche nus arvin nies cor e nos egls e s'occupein cun concarstgauns che piteschan ni che drovan agid e tgira. Per visitar malsauns san ins ir tier els a casa ni en spital. Igl ei bi, sche nus prendin propi temps per els. Impurtont eis ei da tedlar tgei ch'ils malsauns raquantan e da haver capientscha per els. Sche nus visitein malsauns ei quei in segn che nus lein esser datier ad els e che nus gidein els da purtar lur sort.

Era Jesus era adina cheu pils malsauns, per tals che pitevan. Da gliez temps cartevan ins aunc che la malsogna seigi in castitg per in malfatg ch'ins hagi commess. Ozilgi san ins che quei ei buc aschia. Ina malsogna sa tucrar nus tuts.

Studegia e rispunda a suandontas damondas!

- 1. Cu eis tis staus/stada la davosa gada malsaun(a)s?**
- 2. Tgi ha gidau tei e co?**
- 3. Has ti era giu visetas cu ti eras malsaun(a)s?**
- 4. Has ti gia visitau inagada enzatgi en spital?**
- 5. Has era gia fatg inagada ina viseta en ina casa da vegls?**

Historia 6 : Visitar glied ch'ei en perschun

Sch'in da nos concarstgauns ha giu en sia veta in schliet mument e commess enzatgei falliu e stui ir en perschun duessen nus buc emblidar el. Co patertgein nus da quel. Truein e condemnein nus el? Negin dat a nus il dretg da truar sur dad auters sch'els ein buns ni schliats. Ils perschuniers ein carstgauns che han fatg enzatgei falliu. Perquei dat ei in castitg ed els han per in temps negina libertad. Duront quei temps ston els semegliurar ed acceptar ch'els han fatg in sbagl che astga buca pli serepeter.

Esser buns vul buca gir che nus fetschien mai in sbagl. Na, deplorablamein essan nus tuts magari fleivels e fagein sbagls. Igl esser buns consista dalla voluntad che nus havein da semegliurar.

Studegia e rispunda a suandontas damondas!

- 1. Has ti gia viu inagada sco ina perschun ves ora?**
- 2. Has ti gia fatg inagada oraziun per tut quels ch'ei en perschun?**
- 3. Sas ti perdunar sche enzatgi fa zatgei buca diltut gest a ti?**
- 4. Co san ins gidar in(a) perschunier(a)?**
- 5. Pertgei drovi in summa perschuns sin quest mund?**

Historia 7 : Dar da beiber a tals che han seit

Sil mund vivan dapli ch'ina milliarda carstgauns che han negin access tier aua frestga da beiber. Biars ston beiber aua tschuffa e vegnan perquei savens malsauns.

Senza aua dat ei negina veta. Nus stuein far tut il pusseivel per che tuts carstgauns hagian avunda da beiber. Era sche nus havein aua en abundanza duessen nus esser pertscharts dalla situaziun nua che carstgauns ston viver cun scartezia d'aua.

Biars ston prender l'aua ord cisternas e purtar ella cun stenta en ruogs ellas casas.

Auters ston baghegiar liungas canals per menar neutier silmeins in tec aua.

Studegia e rispunda a suandontas damondas!

- 1. Sche ti has seit e lessas beiber aua, co fas quei?**
- 2. Contas spinas dad aua dat ei circa en vossa casa?**
- 3. Pertgei drovas ti schiglioc aunc aua en tiu mintgadi?**
- 4. Eis ei meglier da far in bogn ni la duscha sch'ins vul spargnar aua?**
- 5. Numna autras caussas dalla veta nua ch'ins drova aua!**